



17 JULI 2018

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
Box 1060 - 3900 Nuuk

Uunga  
Inatsisartunut ilaasortaq  
Tillie Martinussen  
Suleqatigiissitsisut

**Isumaginninnermut suliaasaqarfik pillugu § 37 naapertorlugu apeqqutip nr. 2018-139-ip akineqarnera**

Qujanaq apeqqutigisannut

10-07-2018  
Suliap nr. 2018 - 14576  
Akt. id. 8272373

**1. Sermitsiaq.ag-p nittartagaani atuarparput 2017-mut Aningaasanut Inatsit "sinneqartooruteqartoq". Aamma atuarparput "sinneqartoorfigineqartoq" issuaaneq aallartippoq: "Aammattaaq aningaasaliissutaasartut inatsisinut pituttorsimasut, ingammik isumaginnittoqarfiup iluaniittut, ilimagisamit annikinnerusumik aningaasartuuteqarsimmata.", (sermitsiaq.ag, "Pele Broberg sipaaqqusivoq, ulloq 03. juli 2018). Naalakkersuisut oqaatigisinnaanerlugu aningaasaliissutaasartut inatsisinut pituttorsimasut, ingammik isumaginnittoqarfiup iluaniittut suut ilisimagisamit annikinnerusimanersut?**

Postboks 260  
3900 Nuuk  
Oqarasuaat: (+299) 34 50 00  
Naqitanik nassitsigasaat +299  
34 66 66  
E-mail: iniian@nanoq.gl  
www.naalakkersuisut.gl

Nunatta Karsiata Naatsorsuutaani qupperneq 11 innersuussutigineqarpoq, ilaatigut imatut allassimasoqarmat:

*"Aningaasaliissutit inatsisitigut pisussaaffigisat ataatsimut isigalugit 51 mio. kr.-nik atuinikinneruffiisimapput, tassunga sunnuteqarnerpaasimavoq ilaqutariinnermut tunngasuni 57 mio. kr.-nik atuinikinnerusoqarsimanagera ilinnartitaanermullu tunngasuni 7 mio. kr.-nik atuinikinnerusoqarsimanagera.*

*Ilaqutariinnermut suliaasaqarfimmi kontuni arlalinni atuisimanernut apeqqutaasimapput aningaasaqamikkut pissutsit aamma tiguisussat isertitarisimasaat, taamaammallu eqqoqqissaartumik missingersuusiorniameq ajornakusoorsimavoq.*

*Utoqqalinersiaqarneq pillugu aaqqissuusseqqinnerup 2016-imi atuutsinneqalernerata kingunerisaanik pensionisiaqalernissamut ukiorititaq 65-iniit 66-inut qaffanneqarpoq, tamatumalu eqqortumik missingersuusiornissaq ajornakusoortissimavaa. Siusinaartumik pensionisiat pillugit inatsisip nutaap atuutsinneqalernerata kingorna, tamatumal missingersuusiorniarnep aallaqqaammut ajornakusoorsimanageranik aamma kingunerisimavoq. Aningaasaliissutigineqartuni taakkunani marlunni katillugit 42 mio. kr.-nit atuinikinnerussutaapput.*

*Meeqqanut tapiissutinut, meeqqanut akilersuutinut ineqarermullu tapiissutinut ataatsimut 19 mio. kr.-nik atuinikinnerusoqarsimavoq, 2017-imi taamatut aningaasaqamikkut pitsaap tungaanut ineriartorneq atuinikinnerusoqarneranut pissutaasimavoq".*

Siuliani taaneqartut naatsorsuutinut ilanngussami qupperneq 46-miit siumullu itisilernerparput, taakkunani isumaginninnermut suliaasaqarfimmi kontunut pingaarnernut tamarmiusunut aningaasaliissutit naatsorsuinnermillu kisitsisit takuneqarsinnaapput.

Naatsorsuutit ilanngussallu Aningaasaqarnermut Naalakkersuisoqarfiup ataani [www.naalakkersuisut.gl](http://www.naalakkersuisut.gl) -imi nassaassaapput.

**2. Naalakkersuisut oqaatigisinnaanerlugu sooq aningaasat atorpeqarsimannginnermut? Aamma suna pissutaasimasinnaanersoq?**

Apeqqummut 1-imut akissut innersuussutigineqarpoq.

**3. Naalakkersuisut oqaatigisinnaanerlugu malittarisassat suut tunngaviusimanersut aningaasat inunnik isumaginninnermut pisariaqartitseqisumut nuunneqarsimannginnerannut imaluunniit sooq aningaasat immikkut kommunitut aningaasaliissutaasimannginnermut?**

Aningaasaqarnermut Naalakkersuisoqarfik paasissutissiivoq: *"Taamatut aningaasaleeriaatsit pingaarnertigut Kommunit Namminersortutillu Oqartussat missingersuutaat naatsorsuutaallu pillugit Inatsisartut inatsisaatigut nr. 26, 28. november 2016-imeersumit aalajangersarneqarput. Tamanna immikkut § 8-mi takuneqarsinnaavoq, aningaasaliissuteqartoqaqqaartinnagu aningaasartuuteqartoqassanngitsaq aamma isertitaqartoqassanngitsaq".*

**4. Naalakkersuisut pilersaarutiginerlugu aningaasat atunngitsuukkat siunissami inunnik isumaginninnermut pisariaqartitseqisumut nuunneqartalernissaat?**

Aningaasaqarnermut Naalakkersuisoqarfik paasissutissiivoq: *"Missingersuutinut ingerlaavartumik malitseqartitsinerni ingerlatsinermut, tapiissutinut sanaartornermullu kontuni malunnartumik atuinikinnerusoqarnera paasineqarsimappat aningaasaliissutinut oqartussaasutut Naalakkersuisuusoq tunngaviatigut Aningaasaqarnermut Akileraartarnermullu Ataatsimiititaliamut ilassutitut aningaasaliissutinik qinnuteqaat aqquutigalugu aningaasat taakku nuunneqarnissaannik qinnuteqarsinnaavoq. Tamatumunnga aalajangersakkat erseqqinnerusunut Inatsisartut Naalakkersullu pillugit Inatsisartut inatsisaanni § 16, imm. 2-3-mi immikkut takuneqarsinnaapput.*

*Soorlu siuliani takuneqarsinnaasoq aningaasaliissutini inatsisitigut pisussaaffiusuni atuinikinnerusoqarsimanera matumani pingaarnertut pineqarpoq. Tigusisussat aalajangersimasut pisassanut aalajangersimasunut pisinnaatitaaffeqartut inatsisitigut immikkut aalajangersarneqarsimatillugit aamma tunniussassat annertussusissaat imaluunniit naatsorsorneqarnerinut tunngavissat immikkut inatsisitigut aalajangersaaffigineqarsimatillugit, inatsisitigut pisussaaffigalugit aningaasaliissutit atorpeqassapput. Aningaasanut inatsimmi aningaasaliissutit inatsisitigut pisussaaffiusut ukiumi aningaasanut inatsiseqarfiusumi aningaasartuutigineqartussatut missiliugaapput. Peqatigisaanik aningaasaliissutinut naleqqiullugu aningaasaliissutit aningaasartuuteqarneruffiusut aningaasartuutikinneruffiusullu ilassutitut aningaasaliissutini inatsisini ilanngunneqassanngitsut tamatuma kinguneraa. Aningaasaliissutini inatsisitigut pisussaaffiusui atuinikusimanerit atuinikinnerilluunniit inatsisip nutaap allanngortinneqartulluunniit kingunerisimappagit aatsaat ilassutitut aningaasaliissutinut qinnuteqaammut ilanngunneqarsinnaapput."*

Aningaasaliisarnernut periutsit taakku allanngortinnissaannut siunnersuuteqarnissamik Naalakkersuisut pilersaaruteqanngillat.

**5. Aningaasanut Inatsisissap tulliini aningaasat inunnik isumaginninnermut iluani suliniutinut angisuunut amerlanerusunullu nuuttalernissaat Naalakkersuisut pilersaarutiginerlugu?**

Suliassaqarfiit ataasiakkaat akornanni Naalakkersuisut pingaartitaat, aningaasanut inatsisissatut siunnersuummi, Naalakkersuisut aggustip qaammataani tamanut saqqummiussassaanni, takuneqarsinnaalissasut naatsorsuutaavoq.

Med venlig hilsen  
Inussiarnersumik inuulluaqqusilluta



Anthon Frederisen